



ԵՄԻՐՈՊԱԿԱՆ ՄԻՈՒԹՅՈՒՆԸ ՀԱՅԱՍՏԱՆԻ ՀԱՄԱՐ
EUROPEAN UNION FOR ARMENIA



Federal Ministry
for Economic Cooperation
and Development



ԵՄ ՀԱՆՈՒՆ ՄՇԱԿՈՒՅԹԻ.

Առավել ուժեղ համայնքներ եվ տեղական ռախաձեռնություններ

ուսումնառություն,
ստեղծարարություն
Նորարարություն

ի նպաստ համայնքաի ենք մշակույթի եվ զբոսաշրջության

ԵՄ ՀԱՆՈՒՆ ՄՇԱԿՈՒՅԹԻ.
Առավել ուժեղ համայնքներ եվ տեղական նախաձեռնություններ

ուսումնառություն,
ստեղծարարություն
Նորարարություն՝

ի նպաստ համայնքահենք մշակույթի եվ զբոսաշրջության



Այս հրապարակումը պատրաստվել է Եվրոպական միության և Գերմանիայի դաշնության տնտեսական համագործակցության և զարգացման նախարարության ֆինանսական աջակցությամբ: Բովանդակության համար պատասխանատվություն է կրում Դի-Վի-Վի Ինթերնեյշնալի հայաստանյան գրասենյակը, և պարտադիր չէ, որ այն արտահայտի Եվրոպական միության և Գերմանիայի դաշնության տնտեսական համագործակցության և զարգացման նախարարության տեսակետները:

Ծրագրի և գրքույկի մասին

«ԵՄ հանուն մշակույթի. առավել ուժեղ համայնքներ և տեղական նախաձեռնություններ» ծրագրի (այսուհետ՝ Ծրագիր) իրականացնող թիմը սիրով ներկայացնում է այս գրքույկը, որը փաստերի, պատկերների և պատմությունների միջոցով ամփոփում է ծրագրային կարևոր փուլերն ու արդյունքները: Գրքույկը պատմում է այն գործիքների ու մոտեցումների մասին, որոնք կիրառվել են Ծրագրի իրականացման ընթացքում, ինչպես նաև անդրադառնում է այն տպավորիչ ձեռքբերումներին, որ իրենց աշխատանքում արձանագրել են գործընկեր կազմակերպությունները, շահառու Քաղաքացիական հասարակության կազմակերպությունները (այսուհետ՝ ԲՀԿ), թանգարանները, դպրոցները:

«ԵՄ հանուն մշակույթի. առավել ուժեղ համայնքներ և տեղական նախաձեռնություններ» ծրագիրը սկսվել է 2018 թ. փետրվարին և հաջորդող 39 ամիսների ընթացքում այն գործել է թիրախային երեք մարզերում՝ Գեղարքունիքում, Կոտայքում և Շիրակում: Եվրոպական միությունը և Գերմանիայի դաշնության տնտեսական համագործակցության և զարգացման նախարարությունը (BMZ), այս Ծրագրի մեջ 547,026,80 եվրո (85% ԵՄ-ի կողմից) ներդնելով, աջակցել են հետևյալ նպատակների իրագործմանը.

- քաղաքացիական հասարակության, երիտասարդների, մշակութային կազմակերպությունների և այլ շահակիրների ավելի ակտիվ ներգրավում մարզային և համայնքային զարգացումներին՝ կարողությունների զարգացման և ֆինանսական ռեսուրսների տրամադրման միջոցով,

- զբոսաշրջության զարգացում և բնապահպանական իրազեկվածության բարձրացում՝ բնական, մշակութային և մարդկային ռեսուրսների վերհանման և արդյունավետ օգտագործման, ինչպես նաև սոցիալական ձեռներեցության խթանման միջոցով:



Երեք մարզերից յուրաքանչյուրում հանրային քննարկումների միջոցով ընտրվել են ծրագրի իրականացման թիրախային համայնքախմբեր (կլաստերներ), այն է՝

○ Արփի
կլաստեր

| Արդենիս | Բերդաշեն
| Գառնառիճ | Ծաղկուտ
| Շաղիկ
բնակավայրերով

○ Կոտայքի
կլաստեր

| Արզական | Արտավազ
| Բջնի | Հանքավան
| Մեղրաձոր
բնակավայրերով

○ Սեֆամա
կլաստեր

| Սևան/Լճաշեն
| Գավառ/Նորատուս
| Մարտունի/Մադինա
բնակավայրերով

Այս կլաստերներում և համայնքներում իրականացվել են ծրագրային բազմաթիվ աշխատանքներ, այդ թվում՝

ընդհանուր ներդրումը կազմել է

86,978,630 ₴

Տեղական ԲՀԿ-ները իրականացրել են 8 ծրագրային նախագիծ
6 սոցիալական ձեռնարկության նախաձեռնություն 4 հետազոտություն
3 ինովացիոն դրամաշնորհ

ընդհանուր ներդրումը կազմել է

15,591,000 ₴

Թանգարանների համար մշակվել և ներդրվել է 5 մուլտիմեդիա բովանդակությամբ հարթակ

ընդհանուր ներդրումը կազմել է

4,475,000 ₴

Երիտասարդների կողմից իրականացվել է 12 փոքր համայնքային նախագիծ

ընդհանուր ներդրումը կազմել է

3,986,080 ₴

Թանգարաններում հիմնվել է 3 ոչ ֆորմալ կրթական լաբորատորիա

Արդյունքում ստեղծվել է ավելի քան

60 մշակութային և զբոսաշրջային ռեսուրս

Ծրագիրն իրականացնող կազմակերպություններից յուրաքանչյուրն իր եզակի և առանձնահատուկ փորձառությամբ նպաստել է ծրագրի հաջող իրականացմանը: Այսպես, Դի-Վի-Վի Ինթերնեյշնալը կարևորել է մեծահասակների կրթական մոտեցումների (դասընթացներ, մենթորություն, խորհրդատվություն, գործնական փորձարկում) կիրառումը որպես շահառու ՔՀԿ-ների կարողությունների զարգացման առաջնային գործիք: Մեդիա նախաձեռնությունների կենտրոնը՝ Թանգարանների աշխատողների և բարեկամների ասոցիացիայի աջակցությամբ, տեխնոլոգիական և մուլտի-մեդիա լուծումներով արդիականացրել է թանգարանային բովանդակությունը և դրա ներկայացումը: Ժողովրդավարական կրթության հայկական կենտրոն ՍԻՎԻՏԱՍ ՀԿ-ն երիտասարդների հետ աշխատելու իր ուրույն մեթոդաբանությունը կիրառել է՝ նրանց համայնքային զարգացման գործընթացներում ներգրավելու համար:

Այս գրքույկն ամփոփում է ծրագիրն իրականացնող գործընկերների, շահառու ՔՀԿ-ների, թանգարանների և կրթական հաստատությունների կողմից իրականացված հիմնական աշխատանքները և առանցքային ձեռքբերումները: Գրքույկի 4 հիմնական մասերն անդրադառնում են ծրագրի շրջանակներում կարողությունների զարգացմանը (**Մաս 1**), ծրագրի արդյունքում ստեղծված ռեսուրսներին և պրոդուկտներին (**Մաս 2**), ծրագրային ինովացիային (**Մաս 3**): Գրքույկի **4-րդ** մասը ներկայացնում է այն բոլոր կազմակերպություններին, թիմերին և անհատ փորձագետներին, որոնք ներգրավված են եղել ծրագրի իրականացման մեջ:

Շնորհակալություն ենք հայտնում ծրագրի դոնորներին, գործընկերներին, շահակիցներին և շահառուներին ծրագրի հաջող իրականացման մեջ իրենց արժեքավոր ներդրման համար: Հատկապես կարևորում ենք ՔՈՎԻԴ-19 համավարակի և 44-օրյա ռազմական գործողությունների պայմաններում ճկուն և հետևողական մոտեցումներով աշխատանքը շարունակելը և ավարտին հասցնելը:

Դի-Վի-Վի Ինթերնեյշնալի ծրագրային թիմ

Մեդիա նախաձեռնությունների կենտրոնի ծրագրային թիմ

Թանգարանների աշխատողների և բարեկամների ասոցիացիայի ծրագրային թիմ
Ժողովրդավարական կրթության հայկական կենտրոն ՍԻՎԻՏԱՍ ՀԿ-ի ծրագրային թիմ

մաս 1

Գիտելիք և հմտություններ՝ ի նպաստ մշակույթի և զբոսաշրջության զարգացմանը

«ԵՄ հանուն մշակույթի. առավել ուժեղ համայնքներ և տեղական նախաձեռնություններ» ծրագրի շրջանակներում զգալի աշխատանքներ են տարվել շահառու ՔՀԿ-ների, թանգարանների և դպրոցների կարողությունների զարգացման ուղղությամբ: Դրանք միտված են եղել համայնքների և տեղանքների մշակութային և զբոսաշրջային ներուժը վերհանելուն և զարգացնելուն: Հայտնաբերված ռեսուրսները զբոսաշրջության նպատակով կիրառելու, նոր պրոդուկտներ մշակելու և առաջարկելու՝ շահառուների կարողությունների բարելավման նպատակով իրականացվել են հետևյալ աշխատանքները.

- | Դասընթացավարների վերապատրաստում. մասնակից դասընթացավարների մեծ մասը մշտապես ներգրավված է եղել Ծրագրի իրականացման աշխատանքներում:
- | Ծրագրի շահառու ՔՀԿ-ների, թանգարանների և դպրոցների վերապատրաստում դասընթացների միջոցով:
- | Մենթորություն՝ ի աջակցություն դրամաշնորհային նախագծերի առաջարկների մշակմանը և դրանց իրականացմանը:
- | Շահառու ՔՀԿ-ների կողմից իրականացված դասընթացներ:
- | Խորհրդատվություն սոցիալական ձեռներեցության նախաձեռնություններ իրականացնող ՔՀԿ-ներին:

Հիշարժան թվեր և փաստեր

88

Մասնակից կառույցներ

59 ՔՀԿ | 6 թանգարան | 23 դպրոց

42

Դասընթաց

19 | իրականացրել է ծրագրային թիմը¹

34 | ծրագրի շահառու ՔՀԿ-ները

525

Ընդհանուր մասնակից

339 | ծրագրային
| դասընթացներին

186 | ՔՀԿ-ների
| դասընթացներին

53

Փորձագիտական
աջակցության հանդիպում

19 | մենթորություն

34 | խորհրդատվություն

26

Ներգրավված մասնագետներ

15 | դասընթացավար

5 | մենթոր

6 | խորհրդատու

1. Ծրագրային թիմի, այն է՝ Ծրագիրն իրականացնող կազմակերպությունների կողմից անցկացված դասընթացները վերաբերում են ԴԻ-ՎԻ-ՎԻ Ինթերնեյշնալի, Մեդիա Նախաձեռնությունների կենտրոնի և Ժողովրդավարական կրթության հայկական կենտրոն ՍԻՎԻԹԱՍ ԴԿ կողմից շահառու ՔՀԿ-ների, թանգարանների և դպրոցների համար կազմակերպված դասընթացներին: Դրամաշնորհի ստացած ՔՀԿ-ներից մի քանիսի նախագծերում նույնպես ներառված են եղել դասընթացներ:

Դասընթացներն ըստ տեսակի և թեմաների

Դասընթացավարների վերապատրաստում

Curriculum GlobALE վերապատրաստման
ծրագրի հիման վրա մեծահասակների
կրթության պրակտիկա և տեսություն

Ներածական դասընթացներ

- Զբոսաշրջության զարգացումները և
ռազմավարությունը Հայաստանում
- Զբոսաշրջային վայրը և հիմնական
ենթակառուցվածքները
- Համայնքային ռեսուրսների քարտեզագրման
ABCD մեթոդաբանության

Թեմատիկ դասընթացներ

ՔՀԿ-ների
համար

- Ինչպե՞ս զբոսաշրջային վայրը դարձնել
ավելի գրավիչ
- Հանրային կապերը, միջոցառումների
կազմակերպումն ու կառավարումը մշակույթի
և զբոսաշրջության ոլորտում
- Համայնքահենք զբոսաշրջության զարգացում
- Media Sapiens: Առցանց պատմություններ
ստեղծելու և տարածելու հմտություններ
ՔՀԿ ներկայացուցիչների համար
- Միջմշակութային հաղորդակցություն
- Համայնքի էկոզբոսաշրջային պատկերը
- Զբոսաշրջային պրոդուկտի ստեղծում
- Սոցիալական ձեռներեցություն: Բիզնես
պլանավորում
- Քովիդ-19: Ազդեցությունը զբոսաշրջության
ոլորտի վրա: Ինչպե՞ս չեզոքացնել
հետևանքները
- ՀՀ հարկային օրենսդրությունը ՓՄՁ-ների

Դպրոցների ուսուցիչների եվ
աշակերտների համար

Երիտասարդների ներառման և
առաջնորդության մոդուլ

Թանգարանների
համար

Մուլտիմեդիա գործիքներ թանգարանների
համար

Հաղորդակցության հմտություններ
մարզային թանգարանների համար

Շահառու ՔՀԿ-ների կողմից իրականացված դասընթացներից մի քանիսը¹

Թեմա	Իրականացնող ՔՀԿ
1. Ժամանակակից մեդիա գործիքների կիրառությունը զբոսաշրջության ոլորտում	Երիտասարդ ժուռնալիստների ասոցիացիա ՀԿ
2. Զբոսաշրջային պրոդուկտի արդյունավետ վաճառք օնլայն մեդիայի միջոցով	
3. Վլոգգինգ. ինչպե՞ս ստեղծել արդյունավետ վիդեո պատմություններ	
1. Բանավոր պատմություն. Ավանդագրույցների և տեղական պատմությունների հավաքագրում	«Բլեջան» բնապահպանական, սոցիալական, բիզնեսի աջակցման ՀԿ
2. Համաշխարհային և տեղական բնապահպանական խնդիրներ	
3. Քայլարշավային երթուղիների անցանց և առցանց քարտեզագրում	
Զբոսաշրջության սերտիֆիկացիոն ծրագիր՝ բաղկացած 8 մոդուլից	«Գեղարեգ» կրթամշակութային ՀԿ
Զբոսավարների և ուղեկցորդների պատրաստման դասընթաց	Շենացենք մեր գյուղը ՀԿ
Թաղիքագործություն. դիզայն և արտադրություն	Քաղաքային ուսումնասիրությունների կենտրոն ՀԿ
Բնապահպանության դասընթացներ դպրոցների ուսուցիչների համար	Երեխաների աջակցության հիմնադրամ

¹ Շահառու ՔՀԿ-ների կողմից անց են կացվել բազմաթիվ և բազմաբնույթ դասընթացներ: Այս գրքից հետո ներառված են միայն այն դասընթացները, որոնք ուղղակի ազդեցություն են ունեցել համայնքապետական մշակութային և զբոսաշրջային ռեսուրսների ստեղծման վրա:

Ծրագրային պատմություն.

Եվրոպական միությունն աջակցում է Կոտայքի և

Գեղարքունիքի երիտասարդներին՝ բացահայտելու սեփական համայնքներն իրենց և այցելուների համար

Ծանոթացե՛ք Հայկուհու և Սոնայի հետ՝ Գեղարքունիքի մարզից, և Ֆրիդայի ու Համբարձումի հետ՝ Կոտայքի մարզից: Այս երիտասարդներին և նրանց ընկերներին միավորել է «ԵՄ հանուն մշակույթի. առավել ուժեղ համայնքներ և տեղական նախաձեռնություններ» ծրագիրը: Լինելով Ծրագրի ենթադրամաշնորհառու երկու կազմակերպությունների («Բլեջան» ՀԿ (Գեղարքունիքի մարզ) և «Շենացենք մեր գյուղը» ՀԿ (Կոտայքի մարզ)) շահառուներ՝ վերջին մի քանի ամիսներին նրանք ժամանակն օգտագործեցին արահետների քարտեզագրման և կայուն զբոսաշրջության, զբոսավարության և շրջայցերի մշակման ոլորտներում իրենց գիտելիքներն ու հմտությունները հարստացնելու համար: Նրանք մասնակցեցին դասընթացների, հետազոտություններ իրականացրին, ուսումնասիրեցին և վերաբացահայտեցին իրենց համայնքների և մարզերի մշակութային և զբոսաշրջային ներուժը, ինչպես նաև դրանք ուրիշներին հասանելի դարձնելու հնարավորությունները:

Քարտեզագրված արահետներից մեկը, որ մշակվել է Հայկուհու և Նրա ընկերների կողմից, ձգվում է Ծովագարո գյուղից մինչև Յոթ քար լեռը և անցնում է հիասքանչ բնական միջավայրով՝ հարուստ ծաղիկներով և խոտաբույսերով, անզուգական գեղեցկությամբ և խաղաղությամբ: Մյուս արահետն անցնում է Սևան ազգային պարկով, որտեղ էլ իրականացվեց արահետների քարտեզագրման նախագծի փակման միջոցառումը: Մի խումբ երիտասարդներ և կամավորներ, Ծրագրի թիմը և Ազգային պարկի անձնակազմը քայլեցին արահետով՝ մաքրելով այս պահպանվող տարածքը, և գծանշեցին այն՝ օգտագործելով կողավորման միջազգային համակարգ: Արահետների և երթուղիների փորձարկումը նախագծում ներգրավված երիտասարդներին վստահություն ներշնչեցին, որ իրենք ձեռք են բերել արահետների քարտեզագրման և արշավային խմբեր ուղեկցելու հմտություններ, և գուցե նրանցից շատերի համար այն դառնա մասնագիտություն:

Կոտայքի մարզում զբոսավարության դասընթաց անցած երիտասարդները գործնականում կիրառեցին իրենց հմտությունները՝ ծրագրային թիմի ներկայացուցիչների, Կոտայքի ՔՀԿ-ների և տեղի բնակիչների համար փորձնական շրջագայություն անցկացնելով: Գևորգն այցելուներին ներկա-

յացրեց Նոր Հաճնի կամրջի յուրահատուկ կառուցվածքը և բազմաթիվ նոր տեղեկություններ հայտնեց Գյումուշի հիդրոէլեկտրակայանի մասին: Ֆրիդան խմբին ուղեկցեց դեպի Վալես պապի տուն (նրան բոլորը Արզականում այդպես են անվանում), ով ինքնուս արվեստագետ է և գեղագիտական արժեքներ է ստեղծում՝ իր տունը ներսից և դրսից զարդարելով խճանկարներով: Հետո Համբարձումը Բջնիում խմբին ուղեկցեց դեպի այսպես կոչված Ծակ քար: Այս տպավորիչ բնական հուշարձանի շուրջ բազմաթիվ առասպելներ են հյուսվել:

Կոտայքի և Գեղարքունիքի երիտասարդների հետ խոսելիս ակնհայտ էր, թե հատկապես ինչն էին կարևորում այս ծրագրին մասնակցության մեջ: Հիմնական պատասխաններն էին «ընկերությունը» և «իրենց համայնքներն ու մարզը նորովի ճանաչելը»: Ծրագիրը նրանց օգնեց տեսնել Հայաստանի փոքր քաղաքների և գյուղերի հարուստ պատմությունը, ավանդույթներն ու մշակույթը, ինչպես նաև հյուրընկալ առօրյան, որը կարող է գրավել Հայաստանի տարբեր մարզերից և արտերկրից ժամանող զբոսաշրջիկներին:



մաս 2

Ռեսուրսներ և պրոդուկտներ՝ ի նպաստ մշակույթի և զբոսաշրջության զարգացմանը

«ԵՄ հանուն մշակույթի. առավել ուժեղ համայնքներ և տեղական նախաձեռնություններ» ծրագրի կողմից աջակցություն ստացած 22 ՔՀԿ-ները, 6 թանգարանները և 11 դպրոցները ստեղծել են ավելի քան 60 ռեսուրս և գործիք, այդ թվում՝ տուր փաթեթներ, արահետներ, փողոցային նշաններ և բազմաթիվ այլ պրոդուկտներ:

Հիշարժան թվեր և փաստեր

5

տուր փաթեթ

9

արահետ
| 5 քայլարշավային, 4 հեծանվային |
քարտեզագրվել և ներբեռնվել է
Google Maps հարթակում

20

փողոցային նշան և ցուցանակ

5

ենթակառուցվածքային միավոր.
ճաշասրահ, ֆոտո ատելիե և
հուշանվերների խանութ, էկո
կայանատեղի, թոնրատուն,
ներառական էկո արահետ

5

մուլտիմեդիա
ցուցադրություն
թանգարաններում

7

գիրք

3

ոչ ֆորմալ կրթական
լաբորատորիա
թանգարաններում

27

տեսաֆիլմ

Ներդրում¹ և պրոդուկտները՝ ըստ թիրախ մարզերի

	Ներդրում	Պրոդուկտ
Գեղարվեստ	39,207,260 ^Դ	1 մուլտիմեդիա ցուցադրություն 1 ոչ ֆորմալ կրթական լաբորատորիա 9 արահետի քարտեզագրում և ներբեռնում Google Maps հարթակ 1 զբոսաշրջության դասընթացի ծրագիր 1 փոստային բացիկներով տուր - Փողոցային նշաններ, ցուցանակներ 1 տուր փաթեթ 1 ֆոտո ատելիե և հուշանվերների խանութ 1 ճաշասրահ 1 բացօթյա միջոցառում
Կրթություն	36,684,450 ^Դ	2 մուլտիմեդիա ցուցադրություն 1 ոչ ֆորմալ կրթական լաբորատորիա 1 զբոսաշրջային ասոցիացիայի հիմնում և ռազմարության մշակում 1 ներառական էկո արահետ 4 տուր փաթեթ 1 թոնրատուն 1 բացօթյա միջոցառում-փառատուն
Հիմալ	35,139,000 ^Դ	2 մուլտիմեդիա ցուցադրություն 1 ոչ ֆորմալ կրթական լաբորատորիա 1 տուր փաթեթ 1 էկո կայանատեղի - Թաղիքե հուշանվերներ - Թանգարանային հուշանվերներ 1 բացօթյա միջոցառում-փառատուն

1. Ներդրումն արտացոլում է այն ֆինանսական աջակցությունը, որ տրամադրվել է շահառու ԶԳԿ-ներին, թանգարաններին և դպրոցներին՝ թիրախային մարզերում պիլոտային նախագծեր, սոցիալական ծեռներեցության նախաձեռնություններ, համայնքային փոքր ծրագրեր իրականացնելու, մուլտիմեդիա բովանդակություն և կրթական հարթակներ ստեղծելու համար: Այդ ֆինանսավորման գրեթե 75 տոկոսից ավելին ուղղվել է ծրագրային աշխատանքներին, իսկ 20-30 տոկոսը (պայմանավորված նախագծի մեծությամբ)՝ վարչական ծախսերին:

Արփիի էկոկայանատուն

| Ծաղկուտ, Շիրակ |

Արփի լճի մերձակայքում՝ Ծաղկուտ գյուղում, հիմնվել է զբոսաշրջիկների աջակցության այս խիստ անհրաժեշտ կայանատեղին, որն անվանվել է Արփիի էկոկայանատուն: Մեկ սենյակից և բացօթյա տաղավարից բաղկացած այս կայանը շատ հարմար է արշավականների և բնասերների համար: Այստեղ կարելի է կանգ առնել, հանգստանալ և հիանալ լճի հոյակապ տեսարանով: Այցելուները կարող են նաև օգտվել մի շարք ծառայություններից՝ վրանների վարձույթ, հեռախոսների լիցքավորում, հեռադիտակի և աստղադիտակի տրամադրում՝ թռչնադիտության կամ գիշերային աստղադիտության համար: Կայանատունն ունի արևային վաճառական և տաք ջուր: Հսթեոփի միջավայրն ապահովված է ներքին և արտաքին հետաքրքիր հարդարման միջոցներով:

Իրականացնող | «Ալվան ծաղիկ» սոցիալ – կրթական կենտրոն ՀԿ, Գյումրի ակումբ ՀԿ

Երեքը մեկում

| Արզական-Բջնի- Հանքավան- Մեղրաձոր, Կոտայք |

Ամիսներ շարունակ կոտայքի մի խումբ երիտասարդներ հետազոտում էին իրենց համայնքները՝ բացահայտելով առասպելներ, մարդկանց, պատմություններ ու նոր տեսարժան վայրեր: Արդյունքում նրանք մշակել են մի քանի երթուղի, որոնք առաջարկելու են այցելուներին, իսկ իրենք հանդես են գալու որպես զբոսավար: Խորհրդային ժամանակներում կառուցված Նոր Հաճնի ինքնատիպ կամուրջն ու Գյումուշի հիդրոէլեկտրակայանը, ինքնուրույն որմնանկարիչ Վալեն պապի նկարազարդ տունն ու Բջնիի բնական հուշարձան Ծակ քարն իր առասպելներով. ահա մի քանի հետաքրքիր կանգառներ, որոնց կնայեք երիտասարդների աչքերով ու միգուցե անակնկալ բացահայտումներ անել:

Իրականացնող | Շենացնենք մեր գյուղը ՀԿ

Ճամփի ընկեր

| Սևան, Գեղարքունիք |

Ինովացիոն հետաքրքիր գաղափար է փոստային բացիկներով շրջագայությունը, որի օգնությամբ կարող եք անցնել Սևան-Գավառ-Մարտունի երթուղով՝ այցելելով հետաքրքիր ու տեսարժան վայրեր: Սևանում կտեսնեք քաղաքի առաջին տունը, Գավառում կմասնակցեք քյուֆթայի պատրաստման վարպետաց դասին, իսկ Մարտունիում գտնվող ճիաբուծարանում կծանոթանաք արաբական հովատակներին: Կամ էլ կարող եք լրիվ ուրիշ երթուղի ընտրել, որը ձեզ կտանի մեկ այլ ճանապարհով: Եթե ձեռքի տակ բջջային հեռախոս ունեք, կարող եք սկանավորել փոստային բացիկի վրա նշված QR կոդը և գնալ վիդեո-պատմությունների հետքերով:

Իրականացնող | «Սևան» երիտասարդական ակումբ ՀԿ



«Էթիոնի. մոռացված թագավորություն»

| Լճաշեն, Գեղարքունիք |

«Էթիոնի. մոռացված թագավորությունը» հիմնվել է 2020 թ. Գեղարքունիքի մարզի Լճաշեն գյուղում: Այն իրենից ներկայացնում է հյուրատուն, որն ունի նաև ուրարտական ոճավորմամբ ճաշասրահ ու թեյարան: Էթիոնի թագավորության հյուրերը կարող են ծանոթանալ ուրարտական մշակույթին սրահների որմնանկարների և դեկորների միջոցով, լուսանկարվել ուրարտական ոճի հանդերձանքով և իհարկե համոզվել հայկական ազգային խոհանոցի բազմատեսակ, համեղ կերակուրները: Զբոսաշրջիկները կարող են նաև այցելել Լճաշենյան հնագույն բնակատեղին, տեսնել ուրարտական Արգիշտի 1-ին արքայի սեպագիր արձանագրությունը, ինչպես նաև մասնակցել հատուկ թագավորության հյուրերի համար առաջարկվող քայլարշավների:

Իրականացնող | Տարածքային զարգացման և հետազոտությունների կենտրոն ՀԿ

«Թագանի» ֆոտո ատելիե և հուշանվերների խանութ

| Մարտունի, Գեղարքունիք |

Մարտունիում հայտնի «Թագանի» ապրանքանշանն արդեն նոր ցուցասրահ ունի, որտեղ վաճառվում են ավանդական հայկական թռչնատառերով զարդարված հուշանվերներ: Թագանու հայկական տարազների տեսականուն ավելացել է հուշանվերների հավաքածու՝ գավաթներ, մագնիսներ, սփռոցներ: Ակնկալվում է, որ դրանք կգրավեն Մարտունի այցելող զբոսաշրջիկների: Այս բոլոր իրերն ստեղծվում են կանանց ձեռքերով՝ ապահովելով նոր աշխատատեղեր:

Տարազների համար էլ նոր կիրառություն է գտնվել: Այդ գունագեղ հանդերձանքները ոչ միայն վաճառվում են, այլև տրամադրվում Մարտունու բնակիչներին և հյուրերին՝ պրոֆեսիոնալ լուսանկարահանումների համար:

Իրականացնող | Մարտունու կանանց համայնքային խորհուրդ ՀԿ

Սարվոր տուրիզմ

| Գավառ, Գեղարքունիք |

Բացառիկ տպավորություններ են սպասվում 1-2 օրով Գեղամա լեռների յայլաներում ապրող սարվորներին այցելողներին: Գեղատեսիլ բնություն և տեսարաններ, ծանոթություն սարվորների կյանքին ու կենցաղին, ազգային երգի ու խոհանոցի վերաբերյալ վարպետաց դասեր և ավելին: Տրանսպորտը, վրանները, քնապարկերը, սնունդը, ինչպես նաև ուղեկցորդը տրամադրվում են անհրաժեշտության դեպքում:

Իրականացնող | «Գեղարեգ» կրթամշակութային ՀԿ



Ծրագրային պատմություն

Ճայերը հանգրվանեցին Սևան քաղաքի կենտրոնական փողոցներում

Եթե 2020 թ. հուլիսի 17-ի կեսօրին Սևան քաղաքում լինեիք, ականատես կլինեիք, թե ինչպես են քաղաքի բնակիչները հիանում հարազատ քաղաքի կենտրոնական փողոցներում կատարվածով:

Պարզվում է, որ հետխորհրդային ժամանակաշրջանում՝ ավելի քան 30 տարի, Սևանում փողոցային նշաններ չեն եղել: Մարդիկ գիտեն, որ այս մեկը Շահումյան փողոցն է, իսկ մյուսը՝ Էներգետիկների, բայց զբոսաշրջիկի կամ հյուրի համար Սևանը երկար ժամանակ եղել է անանուն փողոցների խառնաշփոթ:

Դա է պատճառը, որ Սևանի բնակիչները ոգևորությամբ հետևում էին քաղաքապետարանի բեռնատարին, որը մի փողոցից մյուսն էր տեղափոխվում ու տեղադրում փողոցային նշանները, զբոսաշրջային ուղղությունների քարտեզը և տեղեկատվական վահանակը, որոնք պատրաստվել են «Սևան» երիտասարդական ակումբ ԶԿ-ի կողմից՝ «ԵՄ հանուն մշակույթի. առավել ուժեղ համայնքներ և տեղական նախաձեռնություններ» ծրագրի ենթադրամաշնորհի շրջանակներում:

Ինչպես ԶԿ նախագահ Գոհար Մնացականյանն է շեշտում, իր և թիմի համար կարևոր էր հանգել այնպիսի մի ստեղծարար գաղափարի, որը ոչ միայն կնշագրեր քաղաքի փողոցները, այլև քաղաքը կդարձներ հյուրընկալ վայր թե՛ հայաստանցի, և թե՛ դրսից եկող զբոսաշրջիկների համար:

Այս նպատակով էր, որ հայտարարվեց գաղափարների մրցույթ, և երկար մտազրոհներից, բանավեճերից և քննարկումներից հետո եկան այն եզրակացության, որ ճայը խորհրդանշական է այդ տարածքի համար: Այսօր արդեն Սևանի մի քանի փողոցների խաչմերուկներում ճայերի թևերը մատնացույց են անում ինչպես քաղաքի փողոցների անունները, այնպես էլ մոտակայքում գտնվող զբոսաշրջային վայրերի ուղղությունները, որոնք թվարկված են ցուցանակի վրա: Իսկ եթե տեխնոլոգիաների սիրահար եք, կարող եք նաև սկանավորել ցուցանակի QR կոդը և ավելին իմանալ նշված ուղղությունների մասին:

Սևանցիների ժպիտները մեծագույն պարգևն էին ինչպես «Սևան» երիտասարդական ակումբի, այնպես էլ Սևանի քաղաքապետարանի համար, որի գործընկերությունը հնարավոր դարձրեց իրագործել այս նախագիծը:





Ծրագրային պատմություն Նաղաշի լավաշի՝ ավանդական հայկական թներատան վերածնունդը

Իրինա Թադևոսյանն ապրում է Հայաստանի Կոտայքի մարզի Բջնի գյուղում: Իրինայի ընտանիքը երկար տարիներ զբաղվել է լավաշ թխելով՝ սկզբից օգտագործելով ավանդական թնրի տեխնոլոգիան, այնուհետև՝ կիսաարդյունաբերական էլեկտրական վառարանը:

Իրինայի խոսքերով՝ Բջնիում երկար տարիներ ոչ ոք թնրի լավաշ չէր թխում: Ինչպես արագ՝ իր բակում թխվող լավաշի բույրը հասավ հարևաններին, նույնքան արագ էլ տարածվեց Եվրոպական միությունից օժանդակություն ստանալու մասին լուրը, որի շնորհիվ վերականգնվել է թնրի և պատշգամբը դարձել հյուրընկալության հարմարավետ անկյուն:

Քանի որ Իրինայի տունը գտնվում է Բջնիի գլխավոր վայրերից մեկի՝ 11-րդ դարի եկեղեցու հարևանությամբ, նա վստահ է, որ իրենց համայնք այցելող զբոսաշրջիկները չեն կարողանա չգայթակղվել լավաշի բույրով ու անտարբեր անցնել իրենց տան կողքով: Իսկ երբ ներս մտան, հաստատ կհամոզեսն նաև իր և տանեցիների պատրաստած հայկական ավանդական ուտեստները:

Թնրատան որոշ սարքավորումներ, փայտե սեղանն ու աթոռները, այցելուներին կերակուր մատուցելու կավե սպասքը Իրինային է տրամադրել «Լիկիու Երկիր» ՀԿ-ն, որը հանդիսանում է «ԵՄ հանուն մշակույթի. առավել ուժեղ համայնքներ և տեղական նախաձեռնություններ» ծրագրի ենթադրամաշնորհառու:

Ենթադրամաշնորհային նախագծի շրջանակներում ՀԿ-ն գնահատել է Բջնի և Արզական համայնքների սոցիալական իրավիճակը, այնուհետև քարտեզագրել է համայնքների սոցիալական ձեռներեցության այն հնարավորությունները, որոնք կարող են սոցիալական նշանակություն ունենալ և նվազագույն ներդրումների միջոցով դրական փոփոխությունների հանգեցնել:

Իրինայի բիզնեսն, անշուշտ, այդպիսինն է, քանի որ մշտապես լավաշ և թխվածք է տրամադրում համայնքի մանկապարտեզին:

մաս 3

Նորարարությունը և ստեղծարարությունը՝ ի նպաստ մշակույթի և զբոսաշրջության զարգացմանը

«ԵՄ հանուն մշակույթի. առավել ուժեղ համայնքներ և տեղական նախա-
ձեռնություններ» ծրագրի շրջանակներում նորարարության և ստեղծա-
րարության պակաս չի եղել: Գրքույկի տարբեր բաժիններում ներկայացված
են նորարար մոտեցումներից և պրոդուկտներից շատերը: Այստեղ հատուկ
անդրադառնում ենք ինովացիոն դրամաշնորհներին, որոնց նպատակն
էր խթանել թիրախային համայնքներում մշակութային և զբոսաշրջային
բացօթյա միջոցառումների իրականացումը:

Ինովացիոն դրամաշնորհների համար գաղափարների ընտրության նպա-
տակով 2020 թ. օգոստոսի 4-10 անցկացվեց «ՑանցԱռ Սարդ» առցանց փա-
ռատոնը, որին մասնակցում էին 22 շահառու ԶՀ-ների և այլ գործընկեր-
ների շուրջ 100 ներկայացուցիչներ: ՍԱՐԴ-ը մի կողմից խորհրդանշում էր
ծրագրային ԶՀ-ների ցանցը, իսկ մյուս կողմից կիրառվում որպես բացօթյա
միջոցառումների մոտեցումը բնութագրող հապավում, այն է՝ #Ստեղծարար
#ՆորԱրար #Գաղափար # (ոչ)ՄարԴաշատ:

Ի՞նչ էր ներառված ծրագրում

Ոգևորող նախատիպեր. միջոցառումը մեկնարկեց հանրային վեբինարով,
որի ընթացքում 6 խոսնակներ ներկայացրին իրենց կազմակերպությունների
և հարթակների կողմից Հայաստանում կազմակերպվող և հանրաճանաչ
դարձած միջոցառումներ և փառատոններ:

Գաղափարների գեներացում. երեք մարզային ZOOM խմբերում մոդերատոր-
ների օգնությամբ վեր հանվեցին և քննարկվեցին բազմաթիվ հետաքրքիր
գաղափարներ, որոնք կարող էին հավակնել ֆինանսական աջակցության:

Գաղափարների ներկայացում և ընտրություն. տեսաֆիլմերի միջոցով գա-
ղափարների վիզուալ ներկայացում ժյուրիին և դրանցից լավագույնների
ընտրությունն այնպիսի չափանիշների հիման վրա, ինչպիսիք են նորա-
րարությունը, կլաստերի/համայնքի տեսանելիության բարձրացումը, ֆի-
նանսական կայունությունը և այլն:

Հիշարժան թվեր և փաստեր



Zoom,
google forms,
menti-meter

Առցանց աշխատանքային
գործիքներ

Ստեղծարար
մշակութային
ծրագիր

մնջախաղ և «Տիեզերք»
խմբի համերգ

Գաղափարից իրականացում

33 գաղափարի առաջարկ

8 նախնական ընտրված գաղափար

3 հաղթած և ֆինանսավորում ստացած գաղափար

2020 թ. սեպտեմբեր-հոկտեմբեր ամիսներին երեք մարզերում կյանքի կոչվեցին լավագույն ինովացիոն գաղափարները. իրականացվեցին բացօթյա միջոցառումներ ու փառատոններ:

Ավելի մանրամասն ինովացիոն բացօթյա միջոցառումների մասին
https://www.youtube.com/watch?v=A-XZ7_Jv4wE

Արիշտայի փառատոն

Կոտայք

27.10-08.11.2020

Նախաձեռնությունն իրականացրել են Երիտասարդ ժուռնալիստների ասոցիացիան և «Շենագնենք մեր գյուղը» ՀԿ-ն:

Արիշտայի փառատոնի գաղափարը փորձարկվեց ընտանիքներում: Արգականում, Բջնիում ու Մեղրաձորում բակերը լցվեցին արիշտայի տաշտերով ու պարանների կախված ամեն չափի, համի ու գույնի արիշտայի շարեր, իսկ օդում կանգնած էր բովվող արիշտայի բույրը: Փորձառու կանայք երիտասարդների համար բացահայտում էին արիշտայի պատրաստման գաղտնիքները և կիսվում հատուկ բաղադրատոմսերով, արիշտայի ստեղծման մասին պատմություններ էին պատմում, երեխաներին երգեր ու խաղիկներ սովորեցնում:

3 համայնք
35 ընտանիք
57 մասնակից
1 գիրք

«UPDATE» երաժշտական փառատոն

ք. Սևան, Գեղարքունիք

26.09.2020

Նախաձեռնությունն իրականացվել է «Սևան» երիտասարդական ակումբի կողմից:

Սևանի քաղաքային այգու Նորաբաց բեմում տեղի ունեցավ «Update» խորագրով բացօթյա համերգ-դրամահավաքը, որը հասանելի էր Նան ուղիղ հեռարձակմամբ: Համերգից առաջ հավաքվել էին Գեղարքունիքի տարածաշրջանի ժողովրդական երգեր, որոնք վերամշակվել էին մասնակից երաժշտական խմբերի կողմից և առաջին անգամ հնչեցին Նոր մշակմամբ:

Համերգին ընդառաջ սևանցի երիտասարդ կամավորները Նան բարեկարգել էին տարածքը, սթրիթ-արթ գրավիչ նկարազարդումներ արել: Զբոսայգու հետագա բարեկարգման համար համերգի շրջանակներում Նան դրամահավաք անցկացվեց:

3 երաժշտական խումբ

60 հանդիսատես

3000 առցանց դիտում

20 ժողովրդական երգի գրառում

3 երգի վերամշակում

1 էլեկտրոնային գրքույկ

Ճախրելով սև արագիլի բարձունքում

միջոցառումների շարք, Շիրակ

23-27.09.2020 –
 25.10.2020

Իրականացրեն են «Խաչմերուկ» կրթական խորհրդատվական կենտրոն հիմնադրամը և «Ալվան ծաղիկ» սոցիալ կրթական կենտրոնը:

Սեպտեմբերի 23-27-ին Գյումրու «Մեղր և Բույս» սրճարանն ու մերձակա տարածքը վերածվեցին Արփիի հանրահռչակման հարթակի: Հնգօրյա միջոցառումների շարքում էին ֆոտոցուցահանդեսը և «Խազեր» երգչախմբի բացօթյա համերգը, թեյախմբություն, վարպետաց դասեր, Արփիին նվիրված ինտելեկտուալ խաղ-մրցույթ, ինչպես նաև արշավ դեպի Արփի: Հոկտեմբերին Գյումրու երիտասարդների և Ծաղկուտի բնակիչների ջանքերով իրականացվեց համայնքի էսթետիկ բարեկարգում՝ սթրիթ-արթի ու լենդ-արթի միջոցով:

160 մասնակից

7 միջոցառում



մաս 4

Գործընկերություն՝ ի նպաստ մշակույթի և զբոսաշրջության զարգացմանը

«ԵՄ հանուն մշակույթի. առավել ուժեղ համայնքներ և տեղական նախաձեռնություններ» ծրագրի նպատակների ու խնդիրների իրականացման գործում ներգրավվել են 44 տեղական, մարզային և ազգային կազմակերպություններ, թանգարաններ, դպրոցներ, ինչպես նաև 40 փորձագետներ:

4 ծրագիրն իրականացնող կազմակերպություն

Դի-Վի-Վի Ինթերնեյշնալ

Մեդիա նախաձեռնությունների կենտրոն

Թանգարանների աշխատողների և բարեկամների ասոցիացիա

Ժողովրդավարական կրթության հայկական կենտրոն ՍԻՎԻՏԱՍ ՀԿ

2 խորհրդատվական ընկերություն

ԱՄ ՓԱՐԹՆԸՐԶ ՔՈՆՍԱԼԹԻՆԳ ՔԱՄՓՆԻ ՍՊԸ

«ՎԻՍՏԱԱ ՊԼՅՈՒՍ» ՍՊԸ

22 շահառու ՔՀԿ

Գեղարքունիք

«Բլեջան» բնապահպանական, սոցիալական, բիզնեսի աջակցության ՀԿ

«Գեղարեգ» կրթամշակութային ՀԿ

«Սևան» երիտասարդական ակումբ ՀԿ

Մարտունու կանանց համայնքային խորհուրդ ՀԿ

Տարածքային զարգացման և հետազոտությունների կենտրոն ՀԿ

Կոտայք

Երեխաների աջակցության հիմնադրամ

«Երիտասարդ ժուռնալիստների ասոցիացիա» ՀԿ

«Լիկիու երկիր» ՀԿ

Հյուման Դիզնիթի ընդ Փիս ՀԿ

Միասին հանուն տնտեսական զարգացման ՀԿ

«Շենացնենք մեր գյուղը» ՀԿ

Չարենցավանի երիտասարդական ուսանողական ՀԿ

Տուրիզմի հետազոտական և զարգացման կենտրոն ՀԿ

Շիրակ

«Ալվան ծաղիկ» սոցիալ-կրթական ՀԿ

Ամասիայի քաղաքացիական հասարակության զարգացման կենտրոն ՀԿ

«Առավոտ» բարեգործական ՀԿ

Արդյունավետ կառավարում և համայնքային զարգացում ՀԿ

Գյումրի Թրավել Զլաբ ՀԿ

«Խաչմերուկ» կրթական խորհրդատվական կենտրոն հիմնադրամ

«Կանաչ Տերև» ՀԿ

«Մեղվիկ» մանկապատանեկան ՀԿ

Քաղաքային ուսումնասիրությունների կենտրոն ՀԿ

6

շահառու թանգարան

Գեղարքունիքի
երկրագիտական
թանգարան

Հայաստանի ազգային
պատկերասրահի
Մարտունու մասնաճյուղ

Կիլիկիայի հայերի
պատմության
թանգարան

Օրբելի եղբայրների
տուն-թանգարան

Մարիամ և Երանուհի
Ասլամազյան քույրերի
պատկերասրահ

Միեր Մկրտչյանի
թանգարան

Գեղարքունիք

Կոտայք

Ճիրակ

11

շահառու դպրոց

Գավառի ավագ դպրոց

Լճաշենի Ա. Տեր-Գրիգորյանի
անվան միջնակարգ դպրոց

Նորատուս գյուղի N1
միջնակարգ դպրոց

Սևանի Խ. Աբովյանի անվան
ավագ դպրոց

Արգականի միջնակարգ
դպրոց

Բջնիի Հովհաննես
Թումանյանի անվան
միջնակարգ դպրոց

Հրազդանի Հ. Օրբելու անվան
N13 ավագ դպրոց

Սուլակի միջնակարգ դպրոց

Գյումրու թիվ 4
արհեստագործական
պետական ուսումնարան

Գյումրու տնտեսագիտական
վարժարան

Ծաղկուտի միջնակարգ
դպրոց

Այոնա Լուգովցովա

Աղասի Թադևոսյան

Անդրանիկ Մոսինյան

Արեգ Կարապետյան

Արտակ Մարտիրոսյան

Գեղամ Վարդանյան

Դիանա Ավետյան

Զառա Լավչյան

Զարմինե Զեյթունցյան

Լուսինե Խառատյան

Կարեն Պետրոսյան

Կարինե Հարությունյան

Հուսիկ Սարգսյան

Մակրիտա Ավջյան

Մանուկ Պետրոսյան

Նազարեթ Սեֆերյան

Նարինե Թադևոսյան

Նարինե Սաֆարյան

Նիք Հանիսեթ

Նունե Մանուկյան

Նվարդ Մելքոնյան

Սերգեյ Լաբոդա

Վահագն Վարդումյան

Վլադիմիր Սահակյան

Տաթևիկ Սիմոնյան

Տանյա Թորոսյան

26

փորձագետ ներառյալ դասընթացավարներ, խորհրդատուներ, մենթորներ

14

դասընթացավար ներգրավված շահառու ՔՀԿ- ների կողմից իրականացված դասընթացներին

Ադուն Հագրյան

Անահիտ Մինասյան

Աշոտ Օհանյան

Աստղիկ Հովեյան

Արամ Հարությունյան

Արման Ղազարյան

Լալա Մկրտչյան

Լիլիթ Մաքսականյան

Հակոբ Սարգսյան

Մերի Կոչտոյան

Միեր Խաչատրյան

Սիլվա Այվազյան

Սիլվա Կսեյան

Վահագն Վարդումյան

Թիմի անդամները

Դի-Վի-Վի Ինթերնեյշնալ

Եսթեր Զակոբյան, Ծրագրի ղեկավար

Տաթև Ասրյան, Ծրագրի համակարգող

Արևիկ Զարությունյան, Ծրագրի օգնական

Արմինե Դադայան, ֆինանսական ղեկավար

Հասմիկ Գինովյան, հաշվապահ

Մեդիա Նախաձեռնությունների կենտրոն

Նունե Սարգսյան, թիմի ղեկավար

Արշալույս Մուրադյան, Ծրագրի օգնական

Ալեքսանդր Իսախյան, հաշվապահ

Ժողովրդավարական կրթության հայկական կենտրոն ՍԻՎԻՏԱՍ ՀԿ

Կարինե Զարությունյան, թիմի ղեկավար

Լուսինե Ավետիսյան, հաշվապահ

Թանգարանների աշխատողների և ընկերների ասոցիացիա

Հայկ Մկրտչյան, թիմի ղեկավար

Սուսաննա Մարգարյան, հաշվապահ



